




月屋漫藁序



唐以詩為科目詩莫盛於唐而詩之弊至唐而極宋以文為科目文莫盛於宋而文之弊至宋而極甚矣詩與文之極其弊而難於其起弊也自有虞明良之賡歌已非太古忘言之天矣三代以還雖王者之迹熄而世猶近古其播於聲詩發為辭令形於規諫諷刺者皆所以紀一時之實豈好為是虛言哉國以詩文立科目非世道之幸士以詩文應科目又豈人心之幸宜古道之滋不可挽也嗚呼自孔子刪定繫作以來詩書易春秋之

文僅存而其道則泯矣以言乎詩自三百五篇訖於戰國詩之脈幾絕而騷續之故騷有功於詩騷之下有選由選而至於唐惟杜少陵為備以言乎文自獲麟絕筆之餘諸子百家蝟興蜂起不有孟子之書出則聖人之道晦矣故孟子功不在禹下至若荀楊之簧鼓聖言班馬之戶牖古史歷三國六朝隋唐之世斯文微如一髮而韓昌黎力挽古學沿唐而宋則歐陽出焉嗚呼盛者乃所以為衰也然詩盛於唐唐之詩脈自杜少陵而降詩以科目而弊極於五代之陋文盛於宋宋之文脈自

歐陽諸公而降文以科目而弊極於南渡之末年以科目而為詩則窮於詩以科目而為文則窮於文矣良可歎哉僕自齠齏時讀父書承師訓惟知習舉子業何暇為推敲之詩作閒散之文哉自科目不行始得脫屣場屋放浪湖海凡平生豪放之氣盡發而為詩文且歷攷古人沿襲之流弊脫然若醯雞之出甕天坎蛙之出蹄涔而遊江湖也遂得率意為之惟吟咏情性講明理義辭達而已工拙何暇計也於是裒集所作詩文繕寫成編命之漫藁以為他日覆瓿之資若曰復古道起文弊



則有今之韓杜在天台山人黃庚星甫氏序時泰定丁  
卯孟夏作

月屋漫藁目錄

卷一

五言古風

擬古

旦景

至後

故相賈秋壑舊府

九日會王修竹西樓預坐者七人以落霞與孤  
鶩齊飛分韻予得落字即席走筆



綠珠

燕子樓

潘淑妃

秋胡妻

紀夢是歲太早

病後謝友人顧問

遊謝仙巖飛霞觀巖下李叅政墓

約王琴所不來舟中偶成

種松

題三月梅花卷

讀文丞相吟嘯藁

雲間有懷

偶書

古意

感懷

卷二

五言律詩

漁隱為周仲明賦

九日偶書

秋晚山行

夜坐即事

禹廟送春

曉窓即事

幽居

宿龍瑞山房次周雲隱韻

寄表兄王升之

翠峯菴即事

王修竹館舍即事

寄雲谷王府判

餞越守

別山陰諸友

贈葛秋巖時寓能仁蘭若

書懷

寄菊坡吳府判

夜坐即事呈修竹監簿

晚春即事

登寶林佛閣次韻

夜坐讀書

春日西園晚步

書所寓

書懷寄呈諸友

題義上人清虛閣

秋夕和呂講師韻

偶書

九日

送別胡汲古

西嶼即事

春日和韻

述懷

對竹

秋色

幽居

懷友

夏夜小酌



王修竹約觀打魚分韻得圓字

新鴈

病中

月山書館

秋夜獨坐

九日書懷

古松

聽雪

石窓為明上人賦

對鏡

夜坐

西州即事

春日即事

採菊

春日

六月白菊

白蓮

石門

書山陰驛

偶書

宿甘露寺

江樓

竹杖

次韻書懷

秋日

贈皎上人

王直翁相過

鴛鴦梅

王琴所話別

除夜即事

王可交昇仙臺四首

冬夜即事

寄友人

偶書

孤鴈

呈曾蒲澗擬刑

和茅亦山韵二首

題嚴子陵

除夕

和鄭梅深

即事

對客

寒夜呈梅深

林霽山架閣同宿山中

遊東菴

贈了上人抄化

呈毛一齋先生

別徐敬菊

寄姜仕可

寄月山太守

歲晚書懷呈月山太守

鶴林仙壇寺

卷三

七言律詩



枕易

棊聲

題李藍溪梅花吟卷

秋夜

秋夜和月山韻

蘭亭會飲觀晉帖

春遊次王修竹監簿韻

修竹宴客東園

書懷

送張伯威提舉

春日即事

小酌

城南即事

夜坐次林梅山韻

有感

即事

生朝自述

雪

九日客懷

舟次樗蒲廟

月夜登樓

送慈州茅主簿入道

月夜次修竹韻

寓浦東書懷

呈營田司杜希聖提舉

寄毛素軒宣尉

酒趣

秋懷

偶書

觀史

暮春

對月

秋夜

寓舍即事

書懷奉簡蘭若提舉

登寶林飛來峯

題吳寔齋北山別業

書館

依綠亭

秋思

題四暢圖

登寶林塔

偶述

涼夜即事

次月山少監客京韻

聞角

舟行送王琴所之澉州

寄峽山胡府判

送姜仕可去館

梅龍

江湖偉觀

隨隱為祝南山賦

春日郊居

偶書呈王修竹



寄鄭樞山

燈花

樂道

次毛一齋韻

寄月山少監

送文正公遺像與王東廬

遊西湖次毛玉田韻

故國有懷呈任子宏提舉

寒夜即事

謝章平遠惠筆

龍江館舍

元日

偶題

俞景仁教諭相過

修竹有樓名與造物遊對秦望山五雲門

修竹宴客廣寒

酒邊呈張景純

江上客懷

夜坐

挽衛山齋

送任子敏司丞赴北

和俞教授見寄韻

任復齋池中有瑞蓮命余賦之

鹽

瓶笙

書懷

和杜柳溪韻

金潤玉隱廢寺閒居

和葦廬韻

偶成簡任肅齋教諭

奉謝月山太守

夜坐即事

和茅亦山先生雜詠

端午月山主人酒邊即事

寄謝蔡松江路教

和杜柳溪韻

和茅亦山秋夜感懷

茅亦山相過

上廉訪分司官

和鄭樞山竹夫人韻

班竹夫人

遊虎丘山寺

賈秋壑圃

聞鶴

和毛宣尉蓬萊閣韻

送張按察移節江陵

次鄭朴翁國正見寄

漁舍觀梅寄修竹

清明

贈大禪寺昉上人

贈通玄觀道士竹鄉

夜坐

隱居

見梅



挽任宅雲

寄王愛梅

送人歸洛

上李承旨學士三首

寄月山少監

哭別月村

和仇山村九日吟卷

寄錢竹深

見天地心

白鴈

即席和衛山齋韻并呈顧淵白路教

梅魂

書懷

甲子歲旦

白酒歌為巖翁賦

侍郎亭

題東山翫月圖

醉時歌

卷四

七言絕句

書懷

偶成

暮春

書燈

海棠

春陰芍藥

芭蕉

黃芙蓉

聞角

花柳

酒家

贈醫者花道人

晚春

漫述十首

一春

江上

唐詩漫錄目錄

送筆與各庵和尚

梅菊

江景

聽雨

暮春三首

題漂母飯信圖二首

詩窮

雷潭為定講師賦

雷居為安上人賦

傷春

雨過

即事

夜景

秋池

瓶花

木芙蓉

論詩

書館

對菊

簡孫治中歸維揚

題墨竹畫扇

新昌大石佛

黃菊

螢火

睡起

寄秋山和尚

懷友

昭瑞宮月夜

東山謝太傅祠薔薇臺

夢情為懶菴上人賦

田家

春寒

池荷

聽琴

蓬山堂訪王鶴隱高士不值

過曹娥廟



禹廟行春

子胥廟

西湖行春

明妃

煬帝行宮

明皇按樂圖

采蓮女

通玄觀

林高士隱居

吟邊

道士夜醮

題梅花詩卷後

贈王琴所

謝揔講師惠桂花

客懷

春夜寒

枕邊瓶桂

問菊

唐竹卿道士相過

半軒疎雨

蝶

見雁有懷

摠講師涇槃臺

贈談命姚月壺

中秋對月

秋意

對菊

玉繡球花

即事

九日感懷

黃蜀葵畫卷

春夢

題明皇按樂圖

明皇楊妃圖

暮景

和靖墓

宮詞

臨平泊舟

錢府舊園

春雨詞

山中

客路

金陵懷古

仙姑對奕圖

山村

虎丘阻雨

山中秋思

寄別方蘭室

水仙花

春閨

槿菊

孔明高臥圖

蓮花亭避暑

贈易數周仁山

龍江無杜鵑

道觀即事

暮春

傷春

即景

贈上人

墨蘭

寄任子忠

和李藍溪梅花韻四首

折柳

畫筍

秋吟六首

王荆公廟

項羽臺

柳

梁燕

梅花

酒家



江村

西山韓太師墳

床屏墨竹

和靖墓

述懷

寓舍古木無葉

秋信

秋色

秋聲

秋陰

秋霽

秋意

閨情效香奩體四首

江村即事

春日

舟次九山

讀秦紀

修竹館舍

夏日陪王君玉汎舟鑑湖

秋夜登西樓

雜詠九首

竹林夏日


滴翠松

夜窓

寄郭印齋

月屋漫藁目錄終

月屋漫藁卷一



天台山人黃 庚 著

西秦菊存張 樸校正

雪川居士高世昌叅訂

清源門壻林伯良 集

五言古風

擬古

晚中有幽蘭風露飽清抱含章不求聞坐見九秋老夫  
君日已遠佩飾為誰好何如飲餘芳山林養枯槁

驪龍有明珠奇氣久磅礴一為鮫人采夜半泣海若至  
寶諒難得珍藏思遠託如何賤所貴用之以彈在彈在  
亦何惜一去恐流落

名門有貞女始結絲蘿盟嫵婉席未溫良人已遠行遠  
行何時歸妾身不自輕空幃守寂寞誓以終此生雖云  
受恩淺耿耿懷至情

山中恠物變草木自四時秋水照短髮血氣日已衰寒  
藤不知枯青青上踈籬繁陰縱有托已迫風霜期餘生  
方自憐孤吟欲何為

徂徠有嘉木嶷嶷高連天修柯濯雨露沃葉藏雲煙根  
蟠九地暖聲落四壁寒由來所養不與春相干歲久  
產茯苓玉色腴且堅山人劇為藥至味通靈仙願言事  
服餌身可三十年

旦景

雞鳴起濯髮披衣出戶牖自汲古澗泉落月猶在手三  
漱吞朝霞餘光散花柳茲意難語人延佇忽良久

至後

道人坐茅宇獨抱無絃琴對此景物變夕雲散還陰雨



氣一簾潤雲意千山深新陽暢微暄  
疎花點孤林方時坐消歇孰同歲  
寒心孤梅發清夜庭樹驚棲禽

故相賈秋壑舊府

當年構華屋權勢傾衛霍堂宇窮  
斧斤天氣煥丹雘花石擬平泉水  
陸致茲壑惟聞丞相嗔肯後天下  
樂朱門鎖荆榛花木已蕭索蒼生  
顛墮崖國亡身孰托空悲上蔡犬  
不返華表鶴丈夫表勲名風采照  
麟閣故為一聲鉦聚鐵鑄此錯回  
頭暮煙昏不能掩餘怍

九日會王修竹西樓預坐者七人以落霞與孤

鷺齊飛分韻予得落字即席走筆

冉冉五雲深山西日光薄登樓集羣賢  
縱目天宇廓落木悲徂年寒光照杯酌  
浩歌興悠然意行非澗壑緬懷龍山遊  
此樂久寂寞胡為落帽人白首戀賓幕  
醉餘發詩情分韻盡佳作吾愛灑酒中  
西風吹不落

綠珠

娉婷名家姝榮顯晉朝使斛珠不論  
貨得備中櫛侍一笑金谷春粉黛皆  
歛避豈知步障中乃復為愁地念主  
愛妾深因妾為主累樓風月愁殘花  
抱春墜



燕子樓

繁華隨逝水日暮高樓空  
哀哀徐陵妾事主不及終  
空房輟膏沐明粧為誰容  
春風燕子來秋風燕子去  
去來影帶雙孤鸞抱惟悴  
回首醉嬌時百花不敢媚

潘淑妃

二八入宮掖一笑輕三千  
雲階渺何許步步生金蓮  
繡鞋不勝春風若凌波  
仙榮華一回首荆棘生我前  
君恩花上露妾心井中泉  
井泉誓不波下照青青天

秋胡妻

陌上桑葉稀家中蠶正饑  
妾心知採桑安知使君誰  
結髮為人婦幾人守空幃  
掃義不移天黃金欲何為  
老姑倚門久不待盈筐歸  
為妾謝使君風化關庭闈

紀夢是歲太旱

老年屏人事北憲寄高眠  
夢魂御風去金闕開九天  
虎豹獐不嗔知予有仙緣  
玉座擁五雲香爐飛紫煙  
青衣兩童子舉手導我前  
下土蟣虱臣愚衷欲敷宣  
兵戈幸休息饑饉方連綿  
洪惟大生德實司水畢權  
願言回眷與世解倒懸  
玉帝允臣請乃曰賜豐年  
再拜謝闕下

回飈墮林泉夜雷聲殷殷甘澤朝滿田  
沉思喜且驚異  
夢非偶然士懷當世憂  
貞觀有房杜斗米  
三文錢

病後謝友人顧問

索居坐孤陋却掃甘隱淪荒徑無轍跡  
蓮藿方蓁蓁風雨撼四壁一榻寄屈伸  
誰念相如病豈堪原憲貧友人隔河梁  
懷思賦停雲柴車忽過我問勞何殷勤  
促膝話契濶道合情更親語言邁流俗  
意氣含至真情懷談不盡澣我胷中塵  
盤蔬與束脯草草為爾陳瓦盆煮新酒

味有太古春非徒洗硯磊亦足消鬱陲  
北窓坐終日薄暝生秋旻斜陽戀客影  
把袂不忍分此去歲月邁何時復相親  
我輩重道義勢利何足云榮華易消歇  
德齒久彌新願言保名節努力配古人

遊謝仙巖飛霞觀巖下李叅政墓

鬼工鑿山骨何年驅六丁飛霞邊石洞  
縹緲開珠庭永懷謝仙伯坐斷山水城  
我來事幽雅登臨委客情松風驅溽暑  
自覺毛骨清猿鶴亦仙意人生空營營  
石麟臥荒草問是誰家塋野老對我言  
其人昔公卿金玉埋黃



月屋漫齋卷一  
五  
壤送日冠蓋傾興衰變百年所重非脩名乃知鐘鼎貴  
不如芝薇馨所以世外人返老還孩嬰倚杖空歎息洞  
口雲冥冥

約王琴所不來舟中偶成

清飈捲炎埃碧水出秋素迢迢見山亭回首隔煙霧酒  
帘颺漁村笳鼓響軍戍倚蓬閣舟人云是三江路籬落  
雞欲棲野水牛已渡釣翁炊菽煙稚子收漁具抱琴人  
不來殘陽在高樹

種松

去年種松樹未有蒿與蓬今年松漸長埋沒蓬蒿中老  
髯何蒼蒼歲華不改容回視蒿與蓬零落悲秋風

題三月梅花卷

紛紛姚魏家顏色競嫵媚人方眩春華東皇出古意素  
花飭鼎寶縞袂立蒼翠猶如喧啾中孤鳳忽呈瑞歸然  
山林尊坐使衆芳愧

讀文丞相吟嘯藁

垂垂大厦顛一木支無力精衛悲滄海銅駝化荆棘英  
風傲几礎濱死猶銖脊血洒沙場秋寒日赤為碧惟留

吟嘯編千載光奕奕

雲間有懷

風流懷二陸才名動三吳荒塚今何許千載空煙蕪當  
時逞文筆萬象爭先驅有如明月璧美價傾鴻都古運  
有翻覆韞匱空良圖惜哉去就輕喪此千金軀人生各  
有死百年同須臾獨遺文字芳乃與天壤俱淒淒九山  
塞冉冉谷水枯白鶴久已寂黃犬不復呼斯人今已矣  
弔古定嗟吁

偶書

百歲集孤夜山樓起呼月秋蟲聲轉悲感此衆芳歇人  
身非金石青鬢忽已雪逾淮橘心秋出山泉水汨猗蘭  
抱香死不受薰莽沒

鳳德嗟已衰宣尼欲浮海賴有載道經神功補元宰刪  
詩挽風變繫易憂世駭春秋筆削嚴西秦書乃來微義  
將誓周逆悲大運改悠悠千古心死後文書在

古意

庭前有高樹風撓無停枝寒鴉噤不鳴夜半環樹飛托  
身未得所三匝情依依高飛化霜露低飛觸茅茨乾坤



豈不容振羽將安之徘徊戀明月顧影徒傷悲

感懷

入山採芝薇豺虎據我立入海尋蓬萊鯨鯢掀我舟山海俱有礙瞻望凝遠愁乾坤如許大此身常浮漚依托豈無地皇皇將安求何當跨鳳鵬相從安期遊

月屋漫藁卷一終

月屋漫藁卷二

天台山人黃 庚 著

西秦菊存張 樸校正

雪川居士高世昌叅訂

清源門塔林伯良 集

五言律詩

漁隱為周仲明賦

一笠戴春雨扁舟寄此情世間塵網密江上釣絲輕不羨魚蝦利惟尋鷗鷺盟狂奴臺下水猶作漢時清

九日偶書

水國雁已到山籬菊未開判吹頭上帽莫放手中杯暮  
雨滕王閣西風項羽臺人生能幾屐餘恨付蒼苔

秋晚山行

鏗然短策聲無事覺身輕落葉山行輒流泉澗飲清蟹  
痕沙露濕雁影夕陽明歸路逢林叟班荆軟隱盟

夜坐即事

對景坐清夜蕭然鬢已華詩慳難就藁燈暗不成花易  
醉愁邊酒頻歸夢裏家何時鋤舊圃學種邵平瓜

禹廟送春

鼓歌滿湖濱傾城出送春波光明畫艇山色醉遊人禹  
穴靈何在梅梁迹已陳我來閒弔古回首一沾巾

曉窻即事

一枕紗窻下池塘草夢殘炷雲金鴨暖滴露玉蜍寒晉  
帖從頭寫唐詩著眼看晚來吟思倦和月凭闌干

幽居

幽居少塵事贏得一身閑竹屋無人到柴門盡日闌斜  
陽明晚浦落葉瘦秋山隔水雙飛鷺忘機自往還

宿龍瑞山房次周雲隱韻

木葉秋容瘦客懷思故鄉淡雲微見月薄露不成霜忽  
忽朱顏改悠悠白日長空心仍獨夜減盡昔年狂

寄表兄王升之

客袂臨分日楊花落酒邊重來期半月一去忽經年莎  
草平詩屋江湖沒釣船何時歸舊隱風雨對床眠

翠峯菴即事

竟日尋幽處杖藜不憚遙客行黃葉路僧立碧溪橋岩  
瀑飛寒雪松風吼夜潮是山皆可隱何用楚辭招

王修竹館舍即事

池館翠深處寬閒稱客居未仙猶闥苑不夢亦華胥竹  
淨堪居鶴荷香欲醉魚心清無箇事長日一編書

寄雲谷王府判

曾記還家日重來約夏初自從一別後又是十年餘原  
憲非關病嵇康嬾讀書無從問消息近况果何如

餞越守

旌旆漲天飛江山慘夕暉傾城餞州牧別淚點朝衣人  
指生祠說春隨祖帳歸自來言越瘠公去轉難肥



別山陰諸友

好風殘臘盡春意動園林柳色獨青眼梅花同素心江  
湖方轉徙歲月自侵尋忍別山陰去徘徊憶舊吟  
贈葛秋巖時寓能仁蘭若

蘭若分清隱秋窻飽看山風霜雙鬢老天地一身閒拄  
杖穿雲去吟囊貯月還詩成誰與語時訪竹林間

書懷

平生湖海氣老去歎飄蓬知命難求富安貧不送窮江  
空思捉月天濶欲行風俗眼從渠白無人識此翁

寄菊坡吳府判

客懷元自惡非是為秋悲一別又三載百年能幾時音  
書無雁寄心事有鷗知遙想菊坡菊西風香滿籬

夜坐即事呈修竹監簿

一室冷於冰秋高夜氣清月窻攬燭影風葉亂琴聲寡  
慾知身健安貧覺累輕吟邊閑倚竹誰識此時情

晚春即事

園林芳事歇風雨暗荒城轉眼青春過臨頭白髮生啼  
鵲亡國恨歸鶴故鄉情三逕東荒草東還計未成



登寶林佛閣次韻

曳杖陟高閣登臨思渺然  
閑身空歲月老眼幾山川  
落照明秋浦飛帆濕暮煙  
倚閣悵今昔餘恨付吟篇

夜坐讀書

寂寞寒窻下觀書勝苦吟  
青燈風雪夜黃卷聖賢心  
吾道闕興廢斯文幾古今  
鳳兮胡不至三嘆淚沾襟

春日西園晚步

為愛園林好支筇伴獨行  
花香能醉蝶柳色欲迷鶯  
但得青春在何妨白髮生  
斜陽紅盡處一抹暮山橫

書所寓

不厭茅廬小栖栖寄此身  
菊殘如倦客梅瘦似詩人  
有地堪藏拙無醫可療貧  
并州故鄉夢長憶鑑湖春

書懷寄呈諸友

寂寞茅簷下窮居更待時  
吾儕貧可忍餘子俗難醫  
風月最宜酒江山多是詩  
廣文無鄭老誰與共襟期

題義上人清虛閣

偶來成一宿便覺與禪通  
看塔月影盡捲簾秋色空  
因知釋氏學亦有晉人風  
吟到忘言處悠然此意同

秋夕和呂講師韻

誰彈招隱操雲外伴清幽  
午夜山林月一花天地秋  
經憲涼影淡禪榻古香浮  
不作蟾宮夢悽然憶舊遊

偶書

豪氣消磨盡攜書客海濱  
文章難遇主天地不憐貧  
家累依劉表妻兒笑買臣  
彼蒼還可問吾道幾時春

九日

萸節今朝是秋光又一年  
但教樽有酒休問篋無錢  
白髮羞唐帽黃花識晉賢  
龍山渺何許回首思淒然

送別胡汲古

自憐身是客又送客登舟  
雖有重來約難禁一別愁  
風煙迷柳驛草樹語春洲  
後夜懷人處山空月滿樓

西嶼即事

松陰迷草徑緩步曳吟筇  
秋鶴有仙意寒花無冶容  
漁洲煌浦笛僧寺夕陽鐘  
回首來時路白雲深幾重

春日和韻

新晴天氣好老去倦尋芳  
桃李自春色園林又夕陽  
捲簾通燕入掃徑惜花香  
寒食清明近松楸憶故鄉

述懷

柴門閑掩晝雲護竹窻深茂草多生意枯松見古心有  
書消白日無術化黃金客問生涯事長年只苦吟

對竹

門對南隣竹青青玉萬竿雖然無地種且得隔離看露  
葉晴猶濕風枝夏亦寒但教休剪伐日用報平安

秋色 山陰詩社中選

憑高望不極望斷動愁情落日淒涼處西風點染成丹  
楓明野驛白水浸江城馬上人回首戎戎黯客程

幽居

結屋依山住幽窻與靜宜藤花上踈竹苔石臥荒籬挈  
榼重沽酒敲門客送詩老慙生計拙後後又何為

懷友

柴門春事盡未見故人來樹密鳥相語山空花自開傾  
心多日別屈指幾時回為問頻書札何時共酒杯

夏夜小酌

小酌酬清興憑闌看月移分茶醒醉客添燭了殘碁螢  
影明桐井蛙聲出草池荒城江漏遠試問夜何其



王修竹約觀打魚分韻得圓字

隔岸呼漁伴輕篙破曉煙鳴榔舟葉聚撒網浪花圓饒  
鷺窺高樹驚鱗過別川洋洋聊付物生意自無邊

新雁

來賓何太早嘹唳過南樓數點乍離塞一聲初報秋行  
驚客眼字字寫鄉愁仗節人何在帛書能寄不

病中

讀易窓閑久多時不點硃硯乾蟾渴水篋破蠹侵書氣  
味如僧淡形容似鶴癯交遊空滿眼誰念病相如

月山書館

山色青邊屋幽深稱隱居瓶梅香筆硯雪冷琴書壁  
有先賢像門無俗客車代耕惟舌在何必耦長沮

秋夜獨坐

黃庭重讀罷掩卷對寒檠髮為憂時白心同學道清一  
窓秋月色四壁夜蛩聲坐倦閑敲枕詩成夢不成

九日書懷

客鬢同秋老鄉心逐雁飛重陽今日是三迳幾時歸籬  
下多黃菊門前少白衣無人慰岑寂獨立對斜暉



古松

天矯森寒翠鬣蛟勢倚天喬陰無六月老氣已千年  
斲藥人能壽巢枝鳥亦仙秋風響柯葉彷彿奏虞絃

聽雪

撲簌敲窓紙寒齋剡水濱六花初落夜孤枕未眠人耳  
靜聲逾細心清趣自真愛梅情更苦恐壓一枝春

石窓為明上人賦

何年鑿山骨八面鎖蒼苔海月照還白天風吹不開玲  
瓏宜丈室明潔稱經臺眼界皆通透閒雲任去來

對鏡

勲業夢不到曉窓時一看是非須內照妍醜付旁觀客  
鬢從渠白詩肩本自寒儼然瞻視處賴汝整衣冠

夜坐

世事等輕雲蘆廬寄此身青燈少年夢白髮異鄉人按  
劍驚山鬼吞丹養谷神黃庭重讀罷吾得葆吾真

西州即事

一雨洗空碧江城獨倚樓山吞殘日沒水挾斷雲流燈  
影深村夜鐘聲古寺秋西州舊遊地千載此淹留

春日即事

扶杖行幽徑園林欲暮天錦棠紅濯雨絲柳綠縹煙春  
事忽三月風光又一年客懷正愁絕那復聽啼鶯

採菊

籬東閑採菊三迳碧苔深曉露冷雙屐秋風香一襟餐  
英供小酌嗅蕊伴清吟會得悠然處方知靖節心

春日

春色濃於酒何須醉玉觴柳疎鶯占影花雜蝶分香往  
事隨流水閒愁付夕陽吟邊自歌舞猶學少年狂

六月白菊

客背時芳何須晚節香人間方夏熱籬下自秋光便  
是重陽日真成六月霜若教陶令見應以醉為鄉

白蓮

泰華峯頭種移根植野塘一池秋夜月萬柄曉天霜西  
帝羅青蓋真妃逞素狂鷺飛無認處點點水雲鄉

石門

羸馬東山路駸駸抵石門落花春夜雨流水暮煙村久  
客悲行役清愁攪夢魂勞生多感慨餘恨付乾坤

書山陰驛

迢遞三山道重來感舊遊  
潮聲寒帶雨山色淡生秋  
寄驛通鄉信題詩記旅愁  
江湖十年客兩度到西州

偶書

老眼看書暗桑榆景漸催  
文章身後貴懷抱酒邊開  
燈火夢猶在功名心已灰  
客來休問字且覆掌中杯

宿甘露寺

山險疑無路縈迴一徑通  
鐘聲寒瀑外塔影夕陽中  
窓出茶煙白爐分葑火紅  
禪房過者舊清話數宵同

江樓

凭高間眺望老眼倍增明  
林白山雲出潮紅海日生  
登臨懷舊恨吟笑遣閑情  
客裏逢心友開樽叙昔盟

竹杖

一枝蒼節瘦恰稱地行仙  
不但挑詩卷尤堪掛酒錢  
看梅敲雪落引鶴卓苔穿  
莫近葛陂水化龍飛上天

次韻書懷

風霜頭已白悔不早歸耕  
客路遠千里儒冠誤一生  
世情雲共薄心事月同明  
老去便踈散逢人懶送迎



秋日

旅食幾時休生涯未有謀  
西風一夜雨落葉萬山秋  
起石終當隱草玄殊可羞  
江鄉烟水遠何日買歸舟

贈皎上人

破袖和雲著何時下赤城  
高年頭未白得道骨全清  
詩思秋空濶禪心夜月明  
何當捐世事來結遠公盟

王直翁相過

芒鞋朝踏雨來自赤城  
山久別翻生面相看各老顏  
開樽茅屋裏煮茗竹林間  
此去須榮遇寧愁行路難

鴛鴦梅

孤花忽嫵媚並蒂占春陽  
自有雙成意全勝姑射月  
溪同浴影雪樹共棲香  
玉笛頻吹處交飛落野塘

王琴所話別

羈懷不可述賴有古琴知  
客舍相逢日江楓正落時  
夕陽村店酒秋色野橋詩  
別去吳江上悠悠動遠思

除夜即事

除夕無詩侶燈窓酒獨斟  
三更風雪夜一片歲寒心  
衰老常憂病清閑不廢吟  
明朝年八十晚景惜榆陰



王可交昇仙臺四首 臺在青龍鎮南

人去臺猶在飛昇事可嘉  
神仙多變幻塵世摠虛花  
煉氣顏難老勞心鬢易華  
千年留古跡題詠屬詩家

其二

異人鍾秀氣草木亦精神  
見說為漁父誰知悟道真  
仙家多勝景世路有迷津  
安得騎黃鶴相隨入昊旻

其三

仙翁不可見惟有一空亭  
地冷春留雪林深晝見星  
松篁團秀色蘭蕙吐幽馨  
立盡斜陽影閑看鶴刷翎

其四

我來開弔古觸景覺淒涼  
踏石雲侵履捫蘿露濕裳  
森森林木茂馥馥野花香  
寺近尋僧話談禪坐竹床

冬夜即事

獨寢書窻下其如寒夜何  
頭邊枕黃嬾脚底踏湯婆  
紙帳梅花暖布衾春意多  
道人無妄想夢不到南柯

寄友人

相望咫尺地久不到蝸廬  
室邇人何遠心親迹任踈  
交遊常念舊情意只如初  
我欲攜囊去相逢勝寄書

偶書

老來驚歲晚愁裏度年華雲凍天將雪山寒梅未花曉  
窓留客飯午寺覓僧茶歸路江村暝行行及暮鴉

孤雁

長空獨嘹唳隱約背斜暉塞北離羣遠江南失侶歸度  
雲憐隻影照水認雙飛却羨投林鳥相逢入翠微

呈曾蒲澗擬刑

乃茶山後人茶山曾以活字詩授陸放翁

詩自茶山後如公世所稀特來叅活字應肯授玄機寒  
澗孤松老秋雲獨鶴飛台山千萬丈望望未能歸

和茅亦山韻

一生場屋夢老去付悠悠始信功名事難為智力謀有  
才如孔孟無命不伊周吾道今如此蒼天可問不

其二

愛靜吟成僻耽書近欲癡事多因錯省節不為貧移長  
物新添盡生涯舊有詩窮通係天命知命復何疑

題嚴子陵

故人雖即位自不願為官天下事已定山中人可閑一  
絲江月色千古客星寒捷徑終南士聞風定赧然

除夕

爆竹驚殘臘，冬春此夕分。且斟分歲酒，懶賦送窮文。客思愁簷雨，鄉心逐海雲。陽和在何處，明日問東君。

和鄭梅深有錢塘十詠

江湖新識面，恰似舊相知。腹貯三餘學，才工十詠詩。聲名蘇太史，家世鄭當時。客路攜琴去，終須過子期。

即事

雀羅門戶靜無客，扣柴扃索句髭先白。看書眼尚青雲粘題石，壁月浸汲泉瓶笑殺利名客。沉酣死不醒。

對客

窻下篝燈坐相看，白髮新共談為客。事同是異鄉人，詩寫梅花月。茶煎穀雨春，明朝愁遠別。離思欲沾巾。

寒夜呈梅深

空齋對孤客，寂寞似僧家。爐冷頻燒葉，燈昏不吐花。夜長添睡思，歲晚憶年華。吟倦推窻坐，梅簷月未斜。

林霽山架閣同宿山中

秋風山館客，移席近汀前。共語忽深夜，相看非少年。斗垂天末樹，鱗出雨餘天。亦有茅簷下，飯牛人未眠。



遊東菴

菴連兜率寺三徑竹邊開  
林密暑不到窓虛月自來  
暮山啼鳥靜雲樹嘯猿哀  
拂拭殘碑字年深半綠苔

贈了上人抄化

破衲卷秋雲入山深更深  
近聞營梵剎應不累禪心  
寒瀑瀉蒼壁晚花生古林  
遙思明月夜誰聽穎師琴

呈茅一齋先生

前輩凋零盡如公尚典型  
為僧眉獨白見客眼長青  
教子成三俊傳家有六經  
我來問竒字應許扣柴扃

別徐敬菊

契濶又兩載光陰一擲梭  
祇因離別久不覺語言多  
安得長留此其如欲去何  
詩盟終未冷早晚更相過

寄姜任可

獨學苦無友年來媿廣文  
懷賢歌伐木憶別賦停雲  
病後少出戶夢中多見君  
盍簪須有日却與共論文

寄月山太守

下車方數月早已政聲馳  
太守一身瘦東川百姓肥  
勤勞惟聽政閑暇即吟詩  
官况依然在何須賦式微

月屋漫藁卷二  
歲晚書懷呈月山太守

光陰催我老衰病亦堪憐  
殘臘不多日餘生能幾年  
有為俱是妄無事即成仙  
近得安心法蒲團學坐禪

鶴林仙壇寺

古壇歸鶴杳野鹿自成羣  
嵐氣浮清曉鐘聲出白雲  
樹穿僧屋老水到寺門分  
人世無窮事山中了不聞

月屋漫藁卷二終

